


IBhayibhili Labantwana

Lisinika

Ezulwini, ikhaya likaNkulunkulu Elihle



Kubhalwe ngu: Edward Hughes

Kudwetshwe ngu: Lazarus

Kutolikwe ngu: Martina Sithole

Kucubungulwe ngu: Sarah S.

Indaba yesi-tshumi ayisithupha kwezingamatshumu ayisithupha

www.M1914.org

Bible for Children, PO Box 3, Winnipeg, MB R3C 2G1 Canada

Ilayisense: Ulelungelo lokulingisa kumbe ukucindezela
indatshana leyi nxa ungasoze uyithengise.

Ndebele


UJesu esaphila emhlabeni watshela abafundi bakhe ngasezulwini. Wayekubiza ngokuthi "Indlu kaBaba Wami", wathi njalo kulamakamelo amahle amanengi. Ikamelo yindlu enkulu enhle.

Ezulwini yindawo enkulu njalo enhle kakhulu ukwedlula izindlu ezisemhlabeni.




1

UJesu wathi, "Ngihamba ukuyolilungisela indawo. Njalo nxa ngingahamba ngiyolilungisela indawo, ngizabuya njalo ukuzoliyamukela Ngokwami Mina."



2


UJesu wahamba eZulwini, emva kokuvuka kwabafileyo. Abafundi bakhe bebukele, uJesu waphakanyiselwa phezulu esibhakabheni, njalo kwabaleyezi elamyamkelayo limvalela emehlweni abo.



3

Kusukela khonapho, amaKristu ayakhumbula isithembiso sikaJesu sokuphenduka azobathatha.

UJesu wathi uzaphenduka masinyane, lapho bengamcabangeli. Kodwa kwenziwani ngamaKristu abafa Yena engakabuyi? IBhayibhili lithi bayahle bahambe bayokuba laye uJesu. Ukubakhatshana lomzimba




yikubakhona leNkosi.

4


Isambulo, ugwalo lokucina eBhayibhilini, lisitshela ngokuthi ezulwini kuyabukeka kakhulu. Into ebukekayo kakhulu yikuthi, ngendlela eqakathekileyo kakhulu, ezulwini kusekhaya likaNkulunkulu.

UNkulunkulu utholakala ndawoyonke, kodwa Isihlalo sakhe sisezulwini.



5

Izingilosi lokunye okuphilayo kwasezulwini kudumisa uNkulunkulu ezulwini. Kunjalo lakubo bonke abafe eNkosini baya ezulwini. Bahlabela ingoma ezikhethekileyo ezendumiso kuNkulunkulu.



6


Nanka amazwi avela kwenye yezingoma abazihlabelayo: WENA UFANELE NGOBA USIHLENGILE KUNKULUNKULU NGEGAZI LAKHO KUSUKELA KUSOSONKE ISIZWE NJALO WASENZA SABANGABABUSI LAMAPRISTU KUNKULUNKULU WETHU. (Isambulo 5:9)



7


Amahlamvu okucina aweBhayibhili achasisa iZulu njenge "Jerusalema Entsha". Inkulu kakhulu, ilomduli omkhulu kakhulu. Umduli wenziwe ngelitshe elejaspha, licengeke njengengilazi. Amatshe aligugu acecise isisekelo somduli, kucazimula ngemihlobohlobo

yembala. Ngalinye ngalinye isango lenziwe ngelitshe lobuhlalu!




8

Amasango amakhulu awobahlu akavalwa. Asingeneni phakathi sibone...HEYI! Ezulwini kuhle kakhulu ngaphakathi. Idolobha leli liyakhwe ngegolide eliligugu, njengengilazi ekhanyiselayo. Njalo lomgwaqo wenziwe ngegolide.




9

Umfula omuhle ohlanzekileyo okusobala, ophethe amanzi okuphila uyampompoza uvela eSihlalweni sikaNkulunkulu. Emaceleni omfula lowo, kulesihlahla sokuphila, leso esaqala ukutholakala esivandeni eseEdeni. Isihlahla lesi siqakathekile kakhulu. Sihluma izithelo ezilitshumi lambili ezitshiyeneyo, ngenyanga yinye ngayinye. Njalo amahlamvu esihlahla sokuphila ngawokupholisa izizwe.




10

Ezulwini akudingakali ilanga loba inyanga ukuze kukhanyiswe. Inkazimulo kaNkulunkulu yiyo ekhanyiselayo lapha ngokukhanyisela okubukekayo. Akula ngitsho ubusuku khonale ezulwini.




11

Loba lenyamazana zasezulwini zihlukene lezemhlabeni. Zithambisiwe njalo zilobudlelwane obuhle. Amasanchi lezimvu kudla ndawonye utshani. Loba izilwane ezilamandla zidla utshani njengenkabi. INkosi ithi, "Abasoke balimaze loba ukubhidliza entabeni Yami engcwele."




12

Nxa sikhangelela mahlayana, siyananzelela ukuthi kulezinto eziswelakalayo eZulwini. Akula mazwi okuzonda azwakalayo. Akula bantu abalwayo kumbe abakhumbula ngokwabo kuphela.



13

Akula makhiye eminyangweni, ngoba akula masela eZulwini. Akula abaqambi bamanga, akula babulali, akulabathakathi, kumbe abantu abalobubi. Akula ngitsho isono esisodwa ezulwini.



14

Ezulwini ebukhoneni
bukaNkulunkulu
akula nyembezi.
Kwesinye isikhathi
abantu
bakaNkulunkulu
bayakhala ngenxa
yobuhlungu
obusempilweni.
EZulwini,
uNkulunkulu
uzayesula zonke
izinyembezi.



15

Akula kufa eZulwini. Abantu bakaNkulunkulu bazahlala ngokungapheliyo beleNkosi. Akusela sizi, akusela kukhala, akusela buhlungu. Akusela kugula, akusela kwehlukana, akusela malilo. Wonke umuntu eZulwini uyajabula ngokunaphakade loNkulunkulu.



16

Okuhle kukho konke, eZulwini yindawo yabafana lamankazana (labantu abadala njalo) abakholwe kuJesu Kristu njengoMsindisi wabo njalo bamhlonipha njengeNkosi yabo. Ezulwini kulogwalo oluthiwa lugwalo lokuphila olwemvu.

Ligcwele ngamabizo abantu.

Uyakwazi ukuthi kubhalwe

amabizo akabani

lapho? Yibobonke


abantu ababeka

ithemba labo

kuJesu. Igama


lakho lingabe

likhona yini?



17

Amazwi aweBhayibhili ni owokucina mayelana ngezulu ayikumemwa okumangalisayo. "Njalo uMoya, lomakoti bathi, 'Buya!' Njalo yena ozwayo akathi 'Buya!' Njalo owomileyo akabuye. Ofunayo, makathathe amanzi okuphila ngokungelambadalo."



18

Ezulwini, ikhaya likaNkulunkulu Elihle

Indaba evela elizwini likaNkulunkulu, iBhayibhili

itholakala ku

UJohane 14; 2 AbaseKhorinte 5;

Isambulo 4, 21, 22

"Isango lamazwi akho lunika ukukhanya."

Amahubo 119:130

UNkulunkulu uyakwazi ukuthi senze izinto ezimbi, lezi azibiza ngokuthi yizono. Umjeziso wesono yikufa.

UNkulunkulu uyasithanda kakhulu Wasithumela iNdodana yakhe, uJesu, ukuze asifele esiphambanweni efela izono zethu. UJesu wavuka wabuyela eZulwini! Ngokunjalo uNkulunkulu wasixolela izono zethu.

Nxa ufuna ukutshiya izono zakho, tshono lokhu kuNkulunkulu: Kuwe Nkulunkulu, ngiyakholwa ukuthi uJesu wangifela njalo kathesi uyaphila. Ngicela ungene empilweni yami ungithethelele izono zami, ukuze ngibe lempilo entsha, njalo besengizaba Lawe kuze kube nini lanini. Ngingceda ngiKuphilele njengomntwana Wakho. Amen. Johane 3:16

Funda iBhayibhili njalo ukhulume loNkulunkulu nsukuzonke!